

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը՝** ԳԲՔԱ-ԼՕ-2021/86

**Բողոքի ներկայացման ամսաթիվը՝** 14.09.2021թ.

**Շտկված բողոքի ամսաթիվը՝** 17.09.2021թ.

**Բողոք բերող անձ՝** «Նիկիտա Մոբայլ» ՍՊԸ

**Պատվիրատու՝** «Հայփոստ» ՓԲԸ

**Գնման ընթացակարգի ծածկագիրը՝** «ՀՓ-ՀԾՁԲ-08/21»

**Գնման առարկան՝** հաղորդագրությունների միջոցով ծանուցման ծառայությունների ձեռքբերում

**Բողոքի պահանջը՝** պարտավորեցնել «Հայփոստ» ՓԲԸ-ի կողմից վերջինիս կարիքների համար հաղորդագրությունների միջոցով ծանուցման ծառայությունների ձեռքբերման նպատակով հայտարարված «ՀՓ-ՀԾՁԲ-08/21» ծածկագրով մրցույթի հանձնաժողովին՝

1. «Նիկիտա Մոբայլ» ՍՊԸ-ին տրամադրել «Դեքսատել» առանձնացված ստորաբաժանման կողմից տրամադրված բոլոր փաստաթղթերը,
2. դադարեցնել 10.09.2021թ.-ի անցկացված բանակցությունների արդյունքում ընդունված բոլոր որոշումները,
3. անցկացնել նոր բանակցություններ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ գնումների հետ կապված բողոքներ քննող անձին**

Բողոք բերող՝ «Նիկիտա Մոքայլ» ՍՊԸ  
Հասցե՝ ՀՀ, ք. Երևան, Ահարոնյան 2  
Հեռ: (+374-10) 512075  
Էլ. փոստ՝ g.meliksetyan@nikita.am

Պատվիրատու՝ «ՀԱՅՓՈՍ» փակ բաժնետիրական ընկերություն  
Հասցե՝ ՀՀ, 0002, ք. Երևան, Սարյան 22

Գնման ընթացակարգի ծածկագիրը և առարկան՝  
«Հայփոստ» ՓԲԸ-ի կարիքների համար հաղորդագրությունների միջոցով ծանուցման  
ծառայությունների ձեռքբերման նպատակով հայտարարված  
«ՀՓ-ՀՄՁԲ-08/21» ծածկագրով մրցույթ

**Բ Ո Ղ Ո Ք**

**• Բողոքի նախապատմությունը և փաստերը**

«Հայփոստ» ՓԲԸ-ի կողմից վերջինիս կարիքների համար հաղորդագրությունների միջոցով ծանուցման ծառայությունների ձեռքբերման նպատակով հայտարարվել է «ՀՓ-ՀՄՁԲ-08/21» ծածկագրով մրցույթ (այսուհետև նաև՝ Մրցույթ):

Վերոնշյալ մրցույթին մասնակցության հայտեր են ներկայացրել ինչպես «Նիկիտա Մոքայլ» ՍՊԸ-ն (այսուհետև նաև՝ Բողոքաբեր), այնպես էլ «Դեքսատել» առանձնացված ստորաբաժանումը:

Մանրամասնալով «Դեքսատել» առանձնացված ստորաբաժանման կողմից ներկայացված գնային առաջարկին, «Նիկիտա Մոքայլ» ՍՊԸ-ն Մրցույթի գնահատող հանձնաժողովին 24.08.2021թ. էլ փոստի միջոցով ուղարկել է էլ. նամակ (արտատպումը կցվում է) հետևյալ բովանդակությամբ.

«Խնդրում ենք պարզել հետևյալը՝

1. «Դեքսատել» առանձնացված ստորաբաժանումը ներկայացել է որպես մասնաճյուղ Հայաստանում, թե ներկայացուցչություն Հայաստանում:

2. «Դեքսատել» առանձնացված ստորաբաժանման կողմից ներկայացված որակավորման փաստաթղթերը համապատասխանում են հրավերի պահանջներին. Մասնավորապես՝

2.1 Արդյոք մասնակիցը ունի հաղորդագրությունների միջոցով ծանուցման ծառայությունների մատուցման մեկ տարվա փորձ:

2.2 Արդյոք մասնակիցը կարողանում է ապահովել մեկ տարվա ընթացքում տեղական խոշոր ընկերությունների հետ (1-ից-1000 խոշոր հարկատուների ցանկում ներառված )

համագործակցության փորձ, որոնց համար ապահովել է ընդհանուր հաշվարկով ամսական նվազագույնը 500000 հատ SMS:

2.3 Արդյոք մասնակցի կողմից ներկայացված բանկային երաշխիքը համապատասխանում է «Դեքատել» առանձնացված ստորաբաժանմանը, այլ ոչ թե տրված է «Դեքատել» մայր ընկերության տվյալները, որը համարվում է ոչ ռեզիդենտ:

3.Տեխնիկական բնութագրի մասով հետևյալը՝

3.1 Արդյոք մասնակիցը ապահովում է տեխնիկական բնութագրի բոլոր պահանջները, ներառյալ այն կետերը, որոնք բարձրաձայնվել էին Նիկիտա Մոբայլ ՍՊԸ-ի կողմից:

3.1.1 Արդյոք մասնակիցը կարողանում է ներկայացնել կնքած պայմանագիր այլ ընկերության հետ, որով ապահովում է բաժանորդի կողմից պատասխան նամակ ուղարկելու կամ այն սահմանափակելու գործառույթ կամ ինչպես մեր ուրտում է այն կոչվում՝ երկկողմանի սառ (2 Way SMS), քանի որ չէր ներկայացրել տեխնիկական ոչ մի մեկնաբանություն:

Անհրաժեշտության դեպքում Նիկիտա Մոբայլ ընկերությունը կարող է ներկայացնել այդպիսի պայմանագրեր:

3.1.2 Արդյոք մասնակիցը ապահովում է Viber+SMS կասկադային մոդելը:

Այնուհետև, 25.08.2021թ. «Նիկիտա Մոբայլ» ՍՊԸ-ն Մրցույթի գնահատող հանձնաժողովին էլ փոստի միջոցով ուղարկել է դիմում (արտատպումը և դիմումը կցվում են), որով խնդրել է իրեն տրամադրել «Դեքատել» առանձնացված ստորաբաժանման հայտի փաստաթղթերը, այդ թվում նաև որակավորման փաստաթղթերը:

*Նշված դիմումներին գնահատող հանձնաժողովը բողոքը ներկայացնելու օրվա դրությամբ չի պատասխանել և պահանջված փաստաթղթերը չի ներկայացրել:*

Այնուհետև Մրցույթի գնահատող հանձնաժողովը 09.09.2021թ. ժամը 18:39-ին էլեկտրոնային փոստի միջոցով ծանուցել է «Նիկիտա Մոբայլ» ՍՊԸ-ին, որ 10.09.2021թ. ժամը 17:00-ին տեղի է ունենալու մրցույթի երկրորդ փուլը՝ բանակցությունները:

*«Նիկիտա Մոբայլ» ՍՊԸ-ն տվյալ բանակցություններին չի մասնակցել:*

• **Բողոքի իրավական հիմքերը և հիմնավորումները.**

«Գնումների մասին» ՀՀ օրենքի (այսուհետև նաև՝ Օրենք) 3-րդ հոդվածի 1-ին մասի համաձայն՝ օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

Նույն հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 9-րդ հոդվածի 4-րդ մասի համաձայն՝ պատվիրատուն պարտավոր է գնման ընթացակարգի արձանագրության կամ դրա մաս կազմող փաստաթղթի պատճենը, բացառությամբ պետական գաղտնիք պարունակող գնումների, տրամադրել ցանկացած անձի՝ վերջինիս կողմից նման պահանջ ստանալուց հինգ աշխատանքային օրվա ընթացքում:

«Տեղեկատվության ազատության մասին» ՀՀ օրենքի 6-րդ հոդվածի 1-ին մասի համաձայն՝ յուրաքանչյուր անձ իրավունք ունի ծանոթանալու իր փնտրած տեղեկությանը և (կամ) դա ստանալու նպատակով օրենքով սահմանված կարգով հարցմամբ դիմելու տեղեկատվություն տնօրինողին և ստանալու այդ տեղեկությունը:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 4-րդ ենթակետի համաձայն՝ պահանջի դեպքում որևէ մասնակցի հայտի պատճենները հանձնաժողովի քարտուղարն անհապաղ տրամադրում է նման պահանջ ներկայացրած այլ մասնակցին: Պահանջի կատարման անհնարինության դեպքում պահանջը ներկայացրած անձին անհապաղ տրամադրվում են հայտում ներառված փաստաթղթերը, որոնց վերջինս ծանոթանում է տեղում, իրավունք ունի

լուսանկարելու դրանք և վերադարձնում է քարտուղարին նիստի ընթացքում՝ առանց խոչընդոտելու հանձնաժողովի բնականոն գործունեությունը:

Կարգի 40-րդ կետի գ) ենթակետի համաձայն՝ բանակցությունները վարվում են ոչ շուտ, քան ծանուցումն ուղարկվելու օրվան հաջորդող օրվանից երկրորդ և ոչ ուշ, քան հինգերորդ աշխատանքային օրը:

Այսպիսով, «Հայփոստ» ՓԲԸ-ի կողմից վերջինիս կարիքների համար հաղորդագրությունների միջոցով ծանուցման ծառայությունների ձեռքբերման նպատակով հայտարարվել է «ՀՓ-ՀԾՁԲ-08/21» ծածկագրով մրցույթ (այսուհետև եսև Մրցույթ):

Վերոնշյալ մրցույթին մասնակցության հայտեր են ներկայացրել ինչպես «Նիկիտա Մոբայլ» ՍՊԸ-ն, այնպես էլ «Դեքսատել» առանձնացված ստորաբաժանումը:

Ծանոթանալով «Դեքսատել» առանձնացված ստորաբաժանման կողմից ներկայացված գնային առաջարկին, «Նիկիտա Մոբայլ» ՍՊԸ-ն Մրցույթի գնահատող հանձնաժողովին 24.08.2021թ. էլ. փոստի միջոցով ուղարկել է հետևյալ բովանդակությամբ էլ. նամակ.

«Ննդրում ենք պարզել հետևյալ՝

1. «Դեքսատել» առանձնացված ստորաբաժանումը ներկայացել է որպես մասնաճյուղ Հայաստանում, թե ներկայացուցչություն Հայաստանում:

2. «Դեքսատել» առանձնացված ստորաբաժանման կողմից ներկայացված որակավորման փաստաթղթերը համապատասխանում են հրավերի պահանջներին. Մասնավորապես՝

2.1 Արդյոք մասնակիցը ունի հաղորդագրությունների միջոցով ծանուցման ծառայությունների մատուցման մեկ տարվա փորձ:

2.2 Արդյոք մասնակիցը կարողանում է ապահովել մեկ տարվա ընթացքում տեղական խոշոր ընկերությունների հետ (1-ից-1000 խոշոր հարկատուների ցանկում ներառված ) համագործակցության փորձ, որոնց համար ապահովել է ընդհանուր հաշվարկով ամսական նվազագույնը 500000 հատ SMS:

2.3 Արդյոք մասնակցի կողմից ներկայացված բանկային երաշխիքը համապատասխանում է «Դեքսատել» առանձնացված ստորաբաժանմանը, այլ ոչ թե տրված է «Դեքսատել» մայր ընկերության տվյալները, որը համարվում է ոչ ռեզիդենտ:

3. Տեխնիկական բնութագրի մասով հետևյալը՝

3.1 Արդյոք մասնակիցը ապահովում է տեխնիկական բնութագրի բոլոր պահանջները, ներառյալ այն կետերը, որոնք բարձրաձայնվել էին Նիկիտա Մոբայլ ՍՊԸ-ի կողմից:



3.1.1 Արդյոք մասնակիցը կարողանում է ներկայացնել կնքած պայմանագիր այլ ընկերության հետ, որով ապահովում է բաժանորդի կողմից պատասխան համակ ուղարկելու կամ այն սահմանափակելու գործառույթ կամ ինչպես մեր ոլորտում է այն կոչվում՝ երկկողմանի սմս (2 Way SMS), քանի որ չէր ներկայացրել տեխնիկական ոչ մի մեկնաբանություն:

Անհրաժեշտության դեպքում Նիկիտա Մոբայլ ընկերությունը կարող է ներկայացնել այդպիսի պայմանագրեր:

3.1.2 Արդյոք մասնակիցը ապահովում է Viber+SMS կասկադային մոդելը»:

Այնուհետև, 25.08.2021թ. «Նիկիտա Մոբայլ» ՍՊԸ-ն Մրցույթի գնահատող հանձնաժողովին էլ փոստի միջոցով ուղարկել է դիմում, որով խնդրել է իրեն տրամադրել «Դեքսատել» առանձնացված ստորաբաժանման հայտի փաստաթղթերը, այդ թվում նաև որակավորման փաստաթղթերը:

*Բողոքներ քննող անձի ուշադրությունն ենք հրավիրում այն հանգամանքի վրա, որ նշված դիմումներին գնահատող հանձնաժողովը բողոքը ներկայացնելու օրվա դրությամբ չի պատասխանել և պահանջված փաստաթղթերը Բողոքաբերին չի տրամադրել:*

Այնուհետև, Մրցույթի գնահատող հանձնաժողովը 09.09.2021թ. ժամը 18:39-ին էլեկտրոնային փոստի միջոցով ծանուցել է «Նիկիտա Մոբայլ» ՍՊԸ-ին, որ 10.09.2021թ. ժամը 17:00-ին տեղի էունենալու մրցույթի երկրորդ փուլը՝ բանակցությունները:

*«Նիկիտա Մոբայլ» ՍՊԸ-ն տվյալ բանակցություններին չի մասնակցել, քանի որ աշխատանքի ժամից հետո ուղարկված էլ. փոստի ծանուցմանը ծանոթացել է միայն հաջորդ օրը՝ բանակցությունների ժամից հետո:*

Այսպիսով, Բողոքաբերը գտնում է, որ «ՀՓ-ՀՇՁԲ-08/21» ծածկագրով մրցույթի գնահատող հանձնաժողովը ՍՊԸ-ի դիմումի հիման վրա վերջինիս չտրամադրելով «Դեքսատել» առանձնացված ստորաբաժանման հայտի փաստաթղթերը, խախտել է «Գնումների մասին» ՀՀ օրենքի 9-րդ հոդվածի 4-րդ մասի, «Տեղեկատվության ազատության մասին» ՀՀ օրենքի 6-րդ հոդվածի 1-ին մասի, ինչպես նաև Կարգի 32-րդ կետի 4-րդ ենթակետի պահանջները:

Մրցույթի գնահատող հանձնաժողովի վերոհիշյալ անգործությունը իր հերթին հանգեցրել է «Գնումների մասին» ՀՀ օրենքի 3-րդ հոդվածով ամրագրված նպատակների և սկզբունքների խախտմանը:

Միևնույն ժամանակ «ՀՓ-ՀՇՁԲ-08/21» ծածկագրով մրցույթի գնահատող հանձնաժողովը, տվյալ մրցույթով անցկացվելիք բանակցությունների մասին «Նիկիտա Մոբայլ» ՍՊԸ-ին ծանուցելով բանակցությունները անցկացնելուց ընդամենը ժամեր առաջ, ընդ որում, ծանուցումը





ուղարկելով ժամը 18:39-ին, այսինքն աշխատանքային ժամից հետո, խախտել է ողջամտության սկզբունքը և Կարգի 40-րդ կետի գ) ենթկետի պահանջները, քանի որ ծանուցման նման ոչ ողջամիտ ժամկետի պարագայում «Նիկիտա Մոբայլ» ՍՊԸ-ն չի կարողացել մասնակցել մրցույթի երկրորդ՝ բանակցությունների փուլին:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...:

*Ելնելով վերոգրյալից՝ ՀՀ գնումների հետ կապված բողոքներ քննող անձին*

#### ԽՆԴՐՈՒՄ ԵՄ՝

1. Պարտավորեցնել «Հայփոստ» ՓԲԸ-ի կողմից վերջինիս կարիքների համար հաղորդագրությունների միջոցով ծանուցման ծառայությունների ձեռքբերման նպատակով հայտարարված «ՀՓ-ՀՄՁԲ-08/21» ծածկագրով մրցույթի հանձնաժողովին «Նիկիտա Մոբայլ» ՍՊԸ-ին տրամադրել «Դեքսատել» առանձնացված ստորաբաժանման կողմից տրամադրված բոլոր փաստաթղթերը:

2. Պարտավորեցնել «ՀՓ-ՀՄՁԲ-08/21» ծածկագրով մրցույթի հանձնաժողովին դադարեցնել 10.09.2021թ. անցկացված բանակցությունների արդյունքում ընդունված բոլոր որոշումները:

3. Պարտավորեցնել «ՀՓ-ՀՄՁԲ-08/21» ծածկագրով մրցույթի հանձնաժողովին անցկացնել նոր բանակցություններ:

#### Մ Ի Ջ Ն Ո Ր Դ Ո Ւ Թ Յ Ո Ւ Ն

«Նիկիտա Մոբայլ» ՍՊԸ-ի կողմից ներկայացված բողոքը վարույթ ընդունելու վերաբերյալ

*Հարգելի՛ գնումների հետ կապված բողոքներ քննող անձ,*

Ներկայացված բողոքով «Նիկիտա Մոբայլ» ՍՊԸ-ն վիճարկել է «Հայփոստ» ՓԲԸ-ի կողմից վերջինիս կարիքների համար հաղորդագրությունների միջոցով ծանուցման ծառայությունների ձեռքբերման նպատակով հայտարարված «ՀՓ-ՀՇՁԲ-08/21» ծածկագրով մրցույթի գնահատող հանձնաժողովի գործողությունները և որոշումները:

«Գնումների մասին» ՀՀ օրենքի 2-րդ հոդվածի 1-ին մասի համաձայն՝ պատվիրատու են համարվում՝

ա. Հայաստանի Հանրապետության Սահմանադրությամբ և Հայաստանի Հանրապետության օրենքներով նախատեսված պետական կառավարման և տեղական ինքնակառավարման մարմիններ, պետության կամ համայնքների հիմնարկներ,

բ. Հայաստանի Հանրապետության կենտրոնական բանկ,

գ. պետական կամ համայնքային ոչ առևտրային կազմակերպություններ,

դ. պետության կամ համայնքների՝ հիսուն տոկոսից ավելի բաժնեմաս ունեցող կազմակերպություններ,

ե. պետության կամ համայնքի կամ պետական կամ համայնքային ոչ առևտրային կամ պետության կամ համայնքների՝ հիսուն տոկոսից ավելի բաժնեմաս ունեցող կազմակերպությունների կողմից ստեղծված հիմնադրամներ կամ ձևավորված միավորումներ (միություններ),

զ. պետությունից կամ համայնքից կամ պետական կամ համայնքային ոչ առևտրային կամ պետության կամ համայնքների՝ հիսուն տոկոսից ավելի բաժնեմաս ունեցող կազմակերպություններից նվիրաբերության կամ դրամաշնորհի կարգով միջոցներ ստացած իրավաբանական անձինք՝ նվիրաբերության կամ դրամաշնորհի կարգով ստացված միջոցների հաշվին կատարվող գնումների մասով,

է. պետական կամ համայնքային ոչ առևտրային կամ պետության կամ համայնքների՝ հիսուն տոկոսից ավելի բաժնեմաս ունեցող կազմակերպությունների վերակազմակերպման միջոցով վերակազմավորված հիմնադրամներ,

ը. հանրային կազմակերպություններ:

Նույն հոդվածի 2-րդ մասի համաձայն՝ հանրային կազմակերպություններ են համարվում՝

ա. Հայաստանի Հանրապետության հանրային ծառայությունները կարգավորող հանձնաժողովի հաստատած ցանկում ներառված անձինք, որոնք գործունեություն են իրականացնում հանրային ծառայությունների կարգավորվող ոլորտում, բացառությամբ այն անձանց, որոնք սույն պարբերության մեջ նշված ցանկում ներառվել են էլեկտրոնային

հաղորդակցության բնագավառում հանրային ցանցի շահագործման շրջանակում մատուցվող ծառայությունների մասով գերիշխող դիրք ունենալու հանգամանքով պայմանավորված,

բ. հանրային ծառայությունների ոլորտի այլ կազմակերպություններ, որոնք հասուկ կամ բացառիկ իրավունքով իրականացնում են սույն հոդվածով սահմանված՝ մեկ կամ մեկից ավելի համապատասխան գործունեության տեսակ, եթե գնումը կատարվում է համապատասխան գործունեության տվյալ տեսակն իրականացնելու նպատակով:

Օրենքի 52-րդ հոդվածի համաձայն՝ հանրային կազմակերպությունների կողմից Հայաստանի Հանրապետության տարածքում իրականացվող գնումների՝

1) հետ կապված հարաբերությունները կարգավորվում են այդ կազմակերպությունների հաստատած գնումների կատարման կարգերով.

2) կատարման կարգերը, գնման գործընթացների կազմակերպման մասին հայտարարությունները, հրավերները, գնումների բազային միավորը գերազանցող՝ կնքված պայմանագրերի մասին հայտարարությունները հրապարակվում են նաև տեղեկագրում.

3) բողոքարկումն իրականացվում է սույն օրենքի 6-րդ բաժնով սահմանված կարգով:

2. Սույն հոդվածի 1-ին մասով նախատեսված գնումների կատարման կարգերը չեն կարող հակասել սույն օրենքի 3-րդ հոդվածով սահմանված նպատակներին և սկզբունքներին, իսկ Առևտրի համաշխարհային կազմակերպության պետական գնումների համաձայնագրով սահմանված շեմը գերազանցող գնումների դեպքում՝ նաև սույն մասում հիշատակված համաձայնագրի պահանջներին, իսկ Հայաստանի Հանրապետության հանրային ծառայությունները կարգավորող հանձնաժողովի հաստատած ցանկում ընդգրկված հանրային կազմակերպությունների դեպքում՝ նաև Հայաստանի Հանրապետության հանրային ծառայությունները կարգավորող հանձնաժողովի սահմանած պահանջներին, որոնց կատարման նկատմամբ վերջինս իր սահմանած կարգով իրականացնում է դիտարկումներ (մոնիտորինգ):

Բողոքներ քննող անձին տեղեկացնում ենք, որ «Հայփոստ» ՓԲԸ-ի 100% բաժնետերը հանդիսանում է պետությունը, իսկ ՓԲԸ-ն հանդիսանալով ՀՀ ազգային փոստային օպերատոր, հանդիսանում է հանրային կազմակերպություն, ուստի «Գնումների մասին» ՀՀ օրենքի 2-րդ հոդվածի համաձայն՝ դասվում պատվիրատուների շարքին:

Մինևույն ժամանակ, Օրենքի 52-րդ հոդվածի 1-ին մասի 3-րդ կետի համաձայն՝ հանրային կազմակերպությունների կողմից Հայաստանի Հանրապետության տարածքում իրականացվող գնումների՝ բողոքարկումն իրականացվում է սույն օրենքի 6-րդ բաժնով սահմանված կարգով, այսինքն ենթակա քննման բողոքներ քննող անձի կողմից:

Մինևույն ժամանակ ներկայացված բողոքով հիմնավորվել է, որ Մրցույթի գնահատող հանձնաժողովի գործողությունների հետևանքով խախտվել է Օրենքի 3-րդ հոդվածով սահմանված գնումների նպատակները և սկզբունքները, իսկ Օրենքի 52-րդ հոդվածի 2-րդ մասի համաձայն՝ հանրային նկազմակերպությունների գնումների կատարման կարգերը չեն կարող հակասել սույն օրենքի 3-րդ հոդվածով սահմանված նպատակներին և սկզբունքներին:

*Ելնելով վերոգրյալից՝ բողոքներ քննող անձին խնդրում ենք վարույթ ընդունել «Նիկիտա Մոբայլ» ՍՊԸ-ի ներկայացրած բողոքը և չգրկել ՄՊԸ-ին «Հայփոստ» ՓԲԸ-ի կողմից անցվացված մրցույթը վիճարկելու Օրենքով երաշխավորված իր իրավունքից:*

Առդիր՝ 7 թերթ:

Հարգանքով՝

«Նիկիտա Մոբայլ» ՍՊԸ-ի տնօրեն՝



14.09.2021թ.